

## **Aanaar kieldâ tiädättäs mii kuáská Suomâ haldättäs linjimáid 16.3.2020 já tai vaikuttásah tooimân Aanaar kieldâst**

**Suomâ haldättäs linjij njuhčamáánu 16. peeivi 2020 lasetooimâin koronavirustile hoittáámist Suomâst. Linjejum tooimâi ulmen lii suoijid aalmug sehe turvid ohtsâškode já ekonomiaeelim tooimâ. Linjimeh láá vyeimist njuhčamáánu 13. peeivi 2020 räi. Haldättäs lii pahudâm ohtsâštoomâst täsivääldi presidentáin, ete staatâst lii koronavirus keežild spiekâstâhtile. Suomâ haldättäs tuálvu iävtuttäs spiekâstâhtilelaavâi anonvâldimist onne 17.3.2020 ovdâskoodán.**

Kieldâ spiekâstâhtiilij njunošjuávkku lii kieldâhovdáin iállám 17.3.2020 haldättäs linjimijd čoodâ já addel čuávuváid Aanaar kieldân kyeskee ravvuid:

## **Haldättäs linjim tooimah já tai miäldásiih Aanaar kieldâ tooimah, moh váldojeh anon**

**Arâšoddâdem toimâohtâduvah já toi ohtâvuodâst ornimnáál ovdâmáttááttäs tuáimih. Návt torvejeh ohtsâškode tooimâ tááhust kriittálij suorgij pargei párnái peessâm arâšoddâdmân já taheh máhđulázzân vaanhimij pargoost jotteem. Staatâräädi linjee, ete toh vaanhimeh já huolâtteijeh, kiäin lii máhđuláš ornid párnáá tipšo päähist, taheh nuuvt.**

-Linjimáid kulen Aanaar kieldâ uárnee ain arâšoddâdem já ovdâmáttááttäs haldättäs linjimij miel.

Arâšoddâdem uásild Aanaar kieldâ avžuut haldättäs linjim miäldásávt, ete huolâtteijeh kiäh pasteh toollâđ párnáá/párnáid päähist, iä pyevti párnáá arâšoddâdempalvâlusân tuáistáázân. Návt varriidáttâp toos, ete pargeeh láá tuárvi puáccámij väärrin. Kieldâ mieđeet máksuluovâsmittem ton peeivi rääjist, ko ääšist tahoo kirjálâš almottäs arâšoddâdemtoimâttâhân om. šleđgâpostáin.

Almottásâst kalga leđe peivimeeri, mon rääjist páárnáš páácá meddâl tipšosaajeest sehe mon kuhháá meddâlorroom pištá. Meddâlorroom puáhtá táárbu miel juátkiđ tile miel. Almottásâid pivdep vuolgáttiđ šleđgâpoostâ peht (sehe tiättun párnáá tipšojuávkun): [pirkko.saarela@inari.fi](mailto:pirkko.saarela@inari.fi), [krista.kansala@inari.fi](mailto:krista.kansala@inari.fi) Jis tii párnáá puáccáá, te lii tehálâš, ete meid uábih já viiljah tipšojeh päähist.

Palvâlusâid kevttée äššigâsâid tiedettep tárhibeht ääšist. Lasetiäđuid addel arâšoddâdem hovdá Pirkko Saarela, puh. 040 744 1259, [pirkko.saarela@inari.fi](mailto:pirkko.saarela@inari.fi)

**Škoovlâi, oppálájádâsâi, ollâopâttuvâi já áámmátollâškoovlâi sehe aalmuglâšopâttuvâi já eres rijjá čuovviittäspargo tiilijđ steņgejeh já koskâlditeh toi aldamáttááttäs. Spiekâstâhhân kuittâg uárnejuvvoo škoovlâst ornimnáál ovdâmáttááttäs sehe vuáđumáttááttäs 1-3 luokai aldamáttááttäs tagarij vaanhimij párnáid, kiäh pargeh ohtsâškode tooimâ tááhust kriittálijn suorgijn. Toos lasseen**



**spiekâstâhhân uárnejuvvoo eromâš torjuu miärádâs finnim uáppei aldamáttááttâs toid, kiäh tarbâšeh, kuittág nuuvt, ete toh vaanhimeh já huolâtteijee, kiäin lii máhdulâš ornid párnáá tipšo pääihist, taheh návt. Ovdil mainâšum ornimeh šaddeh vuáimán koskoho 18.3.2020.**

Aanaar kieldâ nuávdit staatáräädí adelem ravvuid. Majebaargâ 17.3.2020 toollâp Aanaar kieldâ ovdiibeln mainâšum ohtâduvâid táválávt ávus tárbulij káidusmáttááttâsân lohtâseijee sirdâšumornimij toohâm várás. Palvâlusâi pirráduvâst orroo äššigâsâid tiedettep sierâ Wilma peht.

- Spiekâstâhjuávhui uásild turvip máttááttâs staatâ vaattâm vuovvijn. Lep kojâdâm táárbuin spiekâstâhjuávhui máttááttâs orniimân uáppei vaanhimijn Wilma peht.

- Lasetiäduh: čuovviittâshovdá Ilkka Korhonen, puh. 0400 131 231, [ilkka.korhonen@inari.fi](mailto:ilkka.korhonen@inari.fi)

**Aldamáttááttâs sajan puoh ollâopâttuvâi, áámmátollâškoovlâi sehe áámmátlii škovlim, luvâttâhškovlim já vuáđumáttááttâs uárnejei máttááttâs já stivrim uárnejuvvoo nuuvt vijdáht ko máhdulâš muulsâiávtulij vuovijguin, eereeb iärrás káidusmáttááttâs, sierâlagán digitaallij oppâmpirrášij já -čuávdusij sehe táárbu miel jiečânâs oppâm vievâst.**

Aanaar kieldâ sirdâšuvá vuáđumáttááttâs já luvâttuv uásild táid máttááttâsornimáid 18.3.2020 räajist, eereeb ovdiibeln mainâšum spiekâstâhjuávhuh.

**Pajeuáppeetodhos iskoseh olášuttojeh 13.3.2020 almostittum kääržib äigitaavlust 23.3.2020 räi vâldimáin huámmâšumán tiervâsvuođâvirgeomâhái adelem miärádâsâid.**

Škovlâ- já uáppeetiervâsvuođâhuolâttâs lii Avelist tiervâsvuođâkuávdáást, Anarist Sajosist, Čevetjäávrst tiervâsvuođâhoittájeijei tiilijn. Ohtâvuodâ vâldim muuneeld puhelin peht tiervâsvuođâhoittájeijei tai Wilma peht.

Lasetiäduh: čuovviittâshovdá Ilkka Korhonen, puh. 0400 131 231, [ilkka.korhonen@inari.fi](mailto:ilkka.korhonen@inari.fi)  
Avveel luvâttuv rehtor Ulla Hynönen, puh. 040 5611 357 [ulla.hynonen@inari.fi](mailto:ulla.hynonen@inari.fi)

**Almos čokkânmehe räijejuvvojehe love ulmuu juávkun já avžuuttuvvoo velttid tušes orostállâm almos soojijn.**

- Kieldâ vuárdá ääši uásild tárhibijd ravvuid, mon maŋa adelep táárbu miel toimâravvu.

**Staatâ já kieldâi museoid, teatterijd, Aalmuglâšooppera, kulttuurtaaluid, kirjeráajuid, kirjerájuauid, Aalmuglâšarkkâduv äššigâs- já totkeesalipalvâlusâid, astoäigitilijid já -soojijd, vuojâmhaalijid já eres valastállâmtilijid, nuorâitilijid, kerhotilijid, seervij čokkânemtilijid, puárásij peivitoimâ, vajoiditte pargotoimâ já pargokuávdáid steŋgejehe. Avžuuttuvvoo, ete priivaat já kuálmád sektor tuáimeeh sehe oskoldâhlih seervih tuáimih siämmáánáál.**

Iänááš uási Aanaar kieldâ tooimáin lii steŋgejum jo 16.3. räajist. Koskoho 18.3. räajist steŋgejum láá puoh eres-uv tooimah, tego kirjerájutooimah, vajoiditte pargotoimâ, toimâkuávdáš já peivikuávdáš Valkama. Kieldátáálu uuvсах steŋgejuvvojehe siämmáánáál 18.3. räajist. Palvâlep ain šledgâpoostâ já



puhelin peht. Sosiaalkocceem tuáimá tme 8-16 puh. 040 351 4150.

- Lasetiäduh: haldättáhhovdá Mari Palolahti, puh. 040 522 1214, [mari.palolahti@inari.fi](mailto:mari.palolahti@inari.fi)

**Kieldih kolliistálmijd puárásij já eres riskâjuávhui aassâmpalvâlemohtâduvâin.**

**Kieldih ulguupiälááš ulmui kolliistálmijd tipšolájádásâin, tiervâsvuodâhuolâttäs ohtâduvâin já pyecceiviásuin eereeb tábáhtus miäldásii árvuštállâm miel kriittálávt pyeccei já párnái tiervâs aldaulmuuh, terminaaltipšoost orroo ulmui aldaulmuuh sehe pelikyeimi tâi toorjâolmooš šoddâdemuásáduvâst.**

**Almos sektor pargoadeleijeeh merideh taid almos sektor pargeid káiduspaargon, kiäi pargoh taheh tom máhdulâžžân.**

- Aanaar kieldâ addel káiduspargoravvuid já miärádásâid ääši uásild. Pargeid tiedettep sierâ ääšist.

- Lasetiäduh: haldättáhhovdá Mari Palolahti, puh. 040 522 1214, [mari.palolahti@inari.fi](mailto:mari.palolahti@inari.fi)

**Toimâraavân paijeel 70-ihásijd kenigiteh pisottállâd ohtâvuodâittáá eres ulmuiguin máhdulâšvuodâi miel (karanteen västideijee tile), eereeb aalmugovdâsteijeeh, staatânjunošeh já kieldâ ovdâulmuuh.**

- Aanaar kieldâ avžuut puoh paijeel 70-ihásijd toimâđ staatâ ravvui miel. Kieldâ iälá oovtâst sierâ tuáimeiguin čoodâ tile já uárnee tárbulijd toorjâpalvâlusâid elilâm ulmuid.

- Lasetiäduh: sosiaal- já tiervâsvuodâhovdá Jaakko Seppänen, puh. 040 518 9059, [jaakko.seppanen@inari.fi](mailto:jaakko.seppanen@inari.fi)

**Lasettuvvoo sosiaal- já tiervâsvuodâhuolâttäs kapasiteet almos já priivaat sektorist. Siämmáá ääigi kepiduvvoo huáputtem toimâ. Priivaat sektor kapasiteet váldoo ohtsii anon táárbu miel. Siämmáá ääigi spiekâsteh lahâaasâtljn meriaaigijn já kenigâsvuodâin. Lasettuvvoo korona-iskosvâldimkapasiteet. THL tuárju kuávluid tast.**

**Kriittálij pargei uásild spiekâsteh pargoägilaavâ já iheluámulaavâ njuolgâdusâin sehe priivaat já almos sektorist. Varriidáteh kenigittid eromâšávt sosiaal- já tiervâsvuodâhuolâttäs sehe siskáldâs torvolâšvuodâ škuáglejum áammátulmuid táárbu miel paargon. Ulmui jotteem puáhtá rajiid jiegâ já tiervâsvuodâ uhkedeijee tuodâlii vaará keežild. Aalmugtiervâsvuodâ já tiervâsvuodâtorvolâšvuodâ tiet algâtteh valmâštállâm Suomâ raajij stengimân jotelis äigitavluin aalmugijkoskâsijd kenigâsvuodâid nuávditmain. Koskâlditeh madhâšejee- já olmoošjotoluv Suomân nuuvt jotelávt ko máhdulâš, eereeb Suomâ aalmugjesânij já Suomâst ässee ulmui maccâm. Suomâ aalmugjesâneh já Suomâst ässee ulmuuh iä koolgâ madhâšid olgoenámâid. Syemmilâš madhâšejeeh avžuuttuvvojeh ájättálhánnáá maccâđ Suomân. Tave- já viestârrääji rasta syevih velttidmettum pargoost jotteem já eres velttidmettum ášástállâm. Täävvir- já rahtijotolâh juátkoo táválávt.**



17.03.2020

- Aanaar kieldâ čuávu staatâ tooimâid ovdii beln valdâlum linjimijn já ravvuid ääsisht já tuáimá táárbu miel.

**Olgoenâimijn mâcee syemmiliih já Suomâst pisovávt ässee ulmuuh stivrejuvvoje kyevti oho karanteen västideijee tilán.**

- Aanaar kieldâ tuáimá staatâ ravvui miäldásávt kieldâ pargei sehe kieldâ palvâlusâi pirráduvâst orroo ulmui uásild (ovdâmerkkân arâšoddâdmist orroo párnááh já škovlâliih) 16.3.2020 ráájist. Toos lasseen kieldâ avžuut puoh iärâsijd toimâđ staatâ ravvui miel.

**Olgoenâimijn mâceeh kalgeh sooppâđ paargon maccâm äigimuddoost já kyevti oho meddâloromist oovtâst pargoadeleijein.**

- Aanaar kieldâkonsern tuáimá staatâ ravvui miäldásávt kieldâkonsern pargei sehe kieldâ palvâlusâi pirráduvâst orroo ulmui uásild. Toos lasseen kieldâ avžuut puoh iärâsijd toimâđ staatâ ravvui miel.

Kieldâ spiekâstâhttilij njunošjuávkku čuávu tile já lii kiärgus čokkâniđ jotelávt. Aanaar kieldâst sirdâšup spiekâstâhttile miäldâsii joođeetmân kiärgusvuotâlaavâi anonvâldim miel. Kieldâstivrâ lii delegistemmiärâdâssâin 16.3.2020 § 58 sirdám sierânâstoimâvâldi kieldâhoovdân spiekâstâhttile ääigi. Ravvuuh târkkilistuvvoje aldapuatteevuodâst. Tiädättâsah peividuvvoje ko tile ovdán. Aanaar kieldâ tieđeet vuosâsaajeest päikkisiijdoin [www.inari.fi](http://www.inari.fi)

Aanaar kieldâ avžuut kieldâ ässeid já kuávlust orroo ulmuid nuávdittiđ târkká virgeomâhái adelem ravvuid sehe išediđ já väldiđ nuubijd huámmášumán lattiimist. Spiekâsteijee tiileest juáhâš puáhtá jieijâs toimâiguin tuárjuđ ohtsâškode cevzim kriisâtiileest. Tile váátá spiekâstâhlii njebžilvuodâ já ovdâsvástádâs puoh aalmugjesâniijn.

Avelist 17.3.2020

Toni K. Laine  
kieldâhovdâ  
toni.k.laine@inari.fi  
puh. 040 594 3253  
Aanaar kieldâ

**Lasetiäđuh:**

Jaakko Seppänen  
Sosiaal- já tiervâsvuodâhovdâ  
jaakko.seppanen@inari.fi  
puh. 040 518 9059



17.03.2020

Dnro 140/07.02.01.00/2020

Ilkka Korhonen  
Čuovviittâshovdâ  
ilkka.korhonen@inari.fi  
puh. 0400 131 231

Mari Palolahti  
Haldättâhhovdâ  
mari.palolahti@inari.fi  
puh. 040 522 1214

Arto Leppälä  
Teknisâš hovdâ  
arto.leppala@inari.fi  
puh. 0400 692 363

